

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCXXVII.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCXXVII.

LITTERÆ REVERSALES EGONIS COMITIS FUR-
STENBERGII DE CASTRO NOVO FURSTENBERG
IPSI A BERNHARDO MARCHIONI BA-
DENSI IN FEUDUM COLLATO.

ANNO MCCCCVI.

Ex Tabulario Badensi.

Ich graue Egen von Furstenberg bekenn vnd tun kunt offentlichen mit disem Brieff, das ich mich mit dem Hochgebornen Fürsten vnd Herren Herrn Bernharten Marggrafen zu Baden mynem lieben Herren fruntlichen vereint han, vnd vmbe besunder gnade vnd frundschaft die ich an Ime manigualtigen empfunden han vberkomen bin also daz ich fur mich vnd alle mine erben mit geheisse, willen und wissen des wolgebornen Graff Heinrichs von Furstenberg des Eltern myns lieben Herrn und Vatters Graff Heinrichs vnd Graff Conratz von Furstenberg myner lieben Brüder von dem obgenant mynem Herren dem Marggraffen nuwe Furstenberg das Slosse vnd Lossingen daz Dorff mit allen Iren nutzen, rechten vnd zugehorungen zu einem rechten mannehen vnd nach mann lehens recht vff disen huttigen tag als datum disbriefs geschriben stet enpfangen han vnd habe Ime darüber gehuldet, gelobt vnd geschworn Ime sinen erben vnd siner marggraueschaft getrüwe vnd holt zu sinde, sinen schaden zu warnen, sinen fromen zu werben, vnd allez daz zu

tunde daz ein mann sinem Herren von fines mann lehens wegen billich vnd von rechtswegen gebunden ist zu tunde ane alle geuerde. Auch sol dasselbe Sloffe n^uwe Fürstenberg dem vorgeuanten mynem Herren vnd allen sinen erben offen sin, also daz sie sich daruß vnd darjne zu allen vren nöten vnd sachen wider menglichen vsgenomen die graffschafft zu Fürstenberg vnd vns vnd vnser erben weren vnd behelffen mogend als dicke sie wollend ane myne vnd myner erben vnd eins ieglichen von vnserwegen hindernisse vnd widerrede ane alle geuerde. Vnd der vorgeschriben Dinge aller zu warem Vrkund So han ich Graff Egen von Fürstenberg obgenant myn eigen Insigel gehenckt an diesen brieff, vnd wir Graff Heinrich von Fürstenberg, der alte Graff Heinrich vnd Graff Conradte sine Sune bekennen vnd tun kunt offenlichem mit disem brieff, daz alle diese vorgeschriben sachen, punkten und artickele, wie die davor von vns vnd dem obgenanten Graff Egen vnserm Sone vnd Bruder davor geschriben stent, von vnserm geheisse vnd mit vnserm guten willen, wissen vnd verhencknisse durchgangen vnd gescheen sint vnd vnsern willen vnd verhencknisse darzu getan vnd gegeben habend in alle die wiß als vorgeschriben stet vnd dez allez zu warem Vrkunde So hat vnser ieglicher sein eigen Insigel gehenckt auch an disen brieff der geben ist vff den heiligen palmtage des Jars do man zalte nach Cristi geburte viertzehenhundert vnd Sechs Jars.

